

Broj: 05-02-4-962/26  
Mostar, 28.05.2026. godine

BOSNA I HERCEGOVINA  
FEDERACIJA BOSNE I HERCEGOVINE  
Parlament Federacije Bosne i Hercegovine  
Predstavnički dom  
N/r Ivan Miličević, sekretar  
N/r Damir Nikšić, poslanik

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO  
04-06-2026

Primijeno:			
Org. jed.	Broj	Priloga	Vrijednost
05/1	-02-	334	1/26

**PREDMET: Poslanička inicijativa, odgovor – dostavlja se**

Poštovani,

Aktom sekretara Predstavničkog doma Parlamenta Federacije Bosne i Hercegovine broj: 05/1-02-334/26 od 19.05.2026. godine, Vladi Federacije Bosne i Hercegovine je dostavljena poslanička inicijativa koju je podnio Damir Nikšić, poslanik u Predstavničkom domu Parlamenta Federacije Bosne i Hercegovine.

Inicijativa se odnosi za ukidanje naknada za obnovljive izvore energije na računima za električnu energiju za domaćinstva u Federaciji Bosne i Hercegovine, tj. poslanik Damir Nikšić, poslanik u Predstavničkom domu Parlamenta Federacije Bosne i Hercegovine predlaže Vladi Federacije Bosne i Hercegovine da, u skladu sa svojim ustavnim nadležnostima i zakonskim ovlaštenjima pripremi i u parlamentarnu proceduru uputi izmjene propisa kojima će se ukinuti stavka "naknada za obnovljive izvore energije" za domaćinstva na računima električne energije u Federaciji Bosne i Hercegovine, te da istovremeno predloži novi model finansiranja podsticaja za obnovljive izvore energije kao što su npr. oporezivanje ekstraprofita u energetskom sektoru ili prihodi od emisijskih i ekoloških naknada, a u kombinaciji sa sredstvima međunarodnih razvojnih fondova.

Ovo Ministarstvo je razmotrilo dostavljenu Inicijativu poštovanog poslanika, te Vas obavještavamo o slijedećem:

- Federalno ministarstvo energije, rudarstva i industrije je, kao službeni obrađivač, u periodu 2017. - 2023. godine provodilo aktivnosti koje su rezultirale izradom novog Zakona o korištenju obnovljivih izvora energije i efikasne kogeneracije koji je usvojen od strane Parlamenta Federacije Bosne i Hercegovine („Službene novine Federacije BiH“, broj: 82/23 – u daljnjem tekstu: Zakon). Zakon se usaglašavao sa Direktivom (EU) 2018/2001 (RED II direktivom) i u zakonu su implementirane tržišne šeme podsticanja (aukcije). Važno je napomenuti da je navedena reforma sistema podsticaja uzela u obzir troškovno najefikasniji sistem podsticaja koji će imati najmanji uticaj na povećanje potrebnih sredstava za podsticanje.
- članom 9. Zakona je propisano finansiranje Operatora za OIEiEK gdje je propisano da se Operator za OIEiEK finansira:
  - a) iz naknade za podsticanje iz člana 27. stav (1) Zakona, koju plaćaju krajnji kupci,

- b) iz prihoda koje ostvari na osnovu izdavanja upravnih akata predviđenih internim aktima Operatora za OIEiEK,
- c) iz drugih sredstava finansiranja,
- kao i da se Operator za OIEiEK može finansirati iz bespovratnih sredstava iz međunarodnih fondova.
- Napominjemo da se sve trenutne finansijske obaveze Operatora za OIEiEK u vezi podsticanja proizvodnje električne energije iz OIEiEK odnose na servisiranje Ugovora zaključenih po osnovu Zakona o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 5/14), te da su u toku aktivnosti na raspisivanje prvih aukcija po Zakonu i to: aukcija za mala postrojenja - FIT aukcija, gdje se kroz proces nadmetanja pobjedniku/pobjednicima dodjeljuje pravo prodaje električne energije proizvedene iz OIEiEK iz malih postrojenja, a nadmetanje se vrši za tehnološke kvote definisane u jedinicama instalisane snage (kW), te aukcija za velika postrojenja - FIP aukcija, gdje se kroz proces nadmetanja pobjedniku/pobjednicima se dodjeljuje podsticaj u vidu fiksne premije po isporučenom MWh električne energije iz OIEiEK iz velikih postrojenja, nadmetanje se pritom vrši za obim aukcija definisan u jedinicama instalisane snage (kW), a koje će dovesti do potrebe za dodatnim sredstvima Operatora za OIEiEK. Tehnološke kvote (kvote za podsticanje za mala postrojenja), te obim aukcija (kvote za velika postrojenja) su propisane Uredbom o kvotama. Navedene aukcije su zasnovane na tržišnim principima i postoji natjecanje između budućih proizvođača električne energije iz OIE koji će dobiti pravo na podsticaj. Operator za OIEiEK je razvio elektronski alat za provođenje postupka aukcija kako bi cijeli proces učinio dodatno transparentnijim. Ovdje je potrebno navesti da je trenutna naknada za podsticanje proizvodnje električne energije iz OIEiEK značajno čak i višestruko manja nego u zemljama u okruženju.
  - Uvažavajući trenutne cijene električne energije na tržištu, smanjenje cijena tehnologija kao i zakonom propisane postupke FIT i FIP aukcija, postoji mogućnost da Operator za OIEiEK ne bude imao dodatnih troškova prema proizvođačima električne energije iz OIE – pobjednicima aukcija.

Uvažavajući prethodno navedeno, a cijeneći upućeni prijedlog Vladi Federacije Bosne i Hercegovine, mišljenja smo da u ovom trenutku nije potrebno preispitivati model finansiranja podsticanja proizvodnje iz OIEiEK, te da u ovom trenutku Zakon omogućava i druga sredstva finansiranja, te bespovratna sredstva iz međunarodnih fondova, čime bi se u praksi mogla značajno smanjiti naknada za podsticanje proizvodnje električne energije iz OIEiEK, koju plaćaju svi krajnji kupci električne energije na području Federacije Bosne i Hercegovine.

S poštovanjem,



**Dostaviti:**

- Naslovu (x2)
- **VLADA FEDERACIJE BOSNE I HERCEGOVINE**  
Generalni sekretarijat Vlade Federacije Bosne i Hercegovine  
n/r g-đa Edita Kalajdžić, sekretar Vlade (Veza: akt broj: 93-04-366-5/26)
- 05
- a/a